

ante, ordinò fusse risposo; e per lo gran canzelier, sentando, rispose in tal forma. Prima, come a la regia majestà era perspectissimo lo bon voler et mente del senato verso quella, et che *fœdus inicum inter eos futurum perpetuum et inviolabile erat*; poi *de nuptiis, de acquisitione regni non minus erat regis quam status venetorum, ob confœderationem sanctam offerendo, cum effecto facto periculo exponer mari et terris auxilia contra hostes fidei*; et inviteria li altri principi a far el medemo etc.

Sumario di lettere di Hongaria, di sier Sabastian Zustignan, orator, di 19 novembro, zonte a di do dezembrio a Venecia.

Come era ritornà el conte Josa, capetanio, el qual con lo exercito regio era andà a l'aguadagno; sì che in tutto erano cavali 14 milia. Passono un fiume chiamasse el Mer, lontan di Belgrado mia 80, e oltra ditto fiume corseno più di mia 60, e per tutto dove corevano deprendeno, brusando e usando crudeltà grandissima, impalando e rostendo quanti turchi prendevano; e pio oltra sariano corsi, si una fiumara, chiamata la Norma, non fosse stà cussì grossa. Hanno brusà più di terre 600, sono tutte bone ville, grosse. E, passado Smedro, ussite 1000 cavalli, i quali fonno subito roti et frachassadi; e al ritorno li fu a l'incontro Cerit bassà con 5 bandiere; i qual fonno roti e preso ditto Cerit bassà e Schander piccolo, fo fiul di Thaut bassà, con 1000 turchi a cavallo, li altri morti e fugadi. Ditto exercito ungarico è
87 torna cargo di preda e di bon cuor; e scrive dito capetanio Josa al re, che ripossa lo exercito e poy vol ritornar e passar la Norma e intrar in la Servia, dove el spiera far gran cosse. E il re disse a l'orator nostro, che havia lettere dil ducha Corvino, qual con le zente dil conte paladin erano intradi in la Bosina, e sperava aver bone nove; et che el ban de la Transilvana li havea scritto, che 'l se meteria in hordine di passar el Danubio e intrar in la Zervia, e prometeva far *etiam* lui gran cosse.

Suprascriptioe di una lettera mandata pel el signor soldan a la Signoria nostra.

A l'eminente conspecto del doxe magnifico, honor del christianesimo, et de la nation di amatori de la †, doxe de Venetia et del suo dominio, doxe sublime de li fioli del batesemo, veriteveli a re et soldani, Dio lo conserva ne la sua eminente sedia, patron de Venetia.

Questo è el titolo del soldan.

El soldan magno, el re, el asrat, el signor sapiente, el justo, combatente, victorioso, spada del mondo et de la fede, soldan de' mori et del moresimo, resusiador de justicia nel mondo, et del vendicator de color che sono zudegadi a torto, sotometendo el forte che se se tien, al presente reposamento del tempo, meritador del ben et eredor a la parole de la fede, consegnador de sedie et di le corone, venciador de le terre inexpugnabile, donador di regni e provintie del Cayero, inimico di patarini et traditori et malfatori; soldan de' arabi, de' azemini et de' turchi, servo de do luogi nobeli, signor de' armini et de do mari, la misericordia de Dio sopra de lui e del suo paexe, conservator de la sua leze et suo comandamenti, soldan del mondo, segurador de le terre, signor di re e soldani, avicario de Chalef e Velnasr e Lasraf, Dio mantegna el suo soldanesmo.

Nome di oratori di alcune nostre città, venuti a 87 congratularsi al novo principe.

Padova.

Domino Hanibal Cavodilista, cavalier.
Domino Giacomo Zabarella, cavalier.
Domino Scipion Sanguinazo, cavalier.
Domino Frizilin Cao di Vacha, cavalier.
Domino Zuan Batista Roselo, doctor.
Domino Antonio Francesco di Doctori, doctor.
Domino Antonio Turcheto, doctor.
Domino Zuan Buzacharini, doctor.
Domino Daniel Musato, si fè cavalier.
Domino Antonio Doto.
Domino Prosdocimo Conte, si fè cavalier.
Domino Hironimo di Obici, si fè cavalier.

Verona.

El marchexe Zuan Filippo Malaspina.
Domino Galeoto di Nogaruoole, cavalier.
Domino Andrea di Pelegriani, doctor.
Domino Zuan Lodovico Facla, doctor, si fè cavalier.
Domino Verità di Verità, si fè cavalier.
Domino Guido di Mafei, si fè cavalier.